



UNIVERSITÄTS-  
BIBLIOTHEK  
PADERBORN

**Claudii Fleurii Abbatis Historia Ecclesiastica**

Ab Anno Christi 726. Usque Ad Annum 813

**Fleury, Claude**

**August. Vind. [u.a.], 1760**

**VD18 90117859**

§.46. Alii Martyres.

---

[urn:nbn:de:hbz:466:1-66091](#)

Sæcul. VIII. marunt: Crucifige! Crucifige! rogo  
A. C. 767. ro, ne me Marito, nec Custodum cuiquam  
 prodas. Hæc locuta, statim domum  
 recurrit, atque aperta arca tres imagines  
 arcanae eduxit, unam Dei Genitricis filium  
 complectentis, & duas alias S. Petri & S. Pauli Apostolorum, quas cum  
 reversa coram S. Stephano adorasset, ipsi  
 postea porrexit, Accipe, inquiens, ve-  
 nerande Pater! has orans ante oculos tuos  
 pone, atque hinc tibi mei, hoc est, mul-  
 ris peccatricis memoria refricetur. Ita  
 S. Stephanus in ejus petitionem con-  
 fessit; ipsa vero deinceps Sabbato ac Do-  
 minico die ad eum panis ferme uncias  
 sex, & aquæ non plus tribus poculis affe-  
 rebat. Tantulum singulis hebdomadis  
 ipsi cibi ac potus fuit totos undecim  
 menses, quos in Prætorio transegit.

## §. XLVI.

## Alii Martyres.

p. 504.

**Q**quadam die, Sancto Viro cum aliis Mo-  
 nachis captivis sedente, sermo or-  
 tus est, de suppliciis illis, quæ Viri San-  
 ctæ durante persecutione passi fuerant.  
 Tum Antonius Cretensis Pauli Abbatis  
 passionem narravit in hunc modum:  
*Paulum Abbatem comprehendi jussit In-  
 sulæ Præfectus Theophanes cognomento  
 Lardotyrus, qui in Prætorio hinc Imagi-  
 nem JESU Christi Crucis affixi humi de-  
 posuit.*

posuerat, & illinc cruciatus instrumentum, quod Catapultam vocant. Ad Abbatem deinde conversus, ait: Unum e duobus tibi Paule proponitur, nimirum, ut vel calcata imagine vitam obtineas, vel hoc tormenti genere excrucieris. Paulus respondit: Absit a me, Domine IESU! ut imaginem tuam pedibus teram, atque hæc locutus humili se curvans osculum fixit. Praefectus ira cœstuans, nudari Sanctum Virum, & in catapulta extendi jubet. Illico tortores eum duabus tabulis inclusum a collo usque ad talos firmissime comprimunt, omniam membra clavis ferreis vincunt, prono in terram capite suspendunt, & infra eum non exiguo igne accenso suffocant.

Hoc eo commemorante, Patribusque fletu largo madentibus, vir senio gravis Theosterictus Presbyter Monasterii, quod Peleceta nuncupatur, in medium prodiit, nasum abscissum exhibens, & genas ferventi pice ac bitumine illitas miserumque in modum ambustas, dixit: Nemo siccis oculis commemorare potest crudelitatem Asiæ Praefecti cui cognomentum Lachanodracon erat. S. Stephanus ad Theosterictum: Loquere, Pater mi! enim per ejusmodi exempla præparamur, ut animi promptitudine similia perfaramus. Tum Theosterictus locutus est in hunc modum: Appetente nocte in Cæna Domi-

p. 506.

**Sæcul. VIII.** *Domini, nobis Divina Mysteria celebrantibus, Praefectus iste Imperatoris iussum validam militum manu irrumpit, jubet cessare Divina, Monachos selectissimos triginta & octo comprehendit, in collo & manibus vinculis ferreis adstringit. Reliquos vero verberibus crudelem in modum lacerat. Aliquos ambussum, alios dimisit, postquam eorum barbam pice illam exussit, amputatis prius naribus, quorum numerum ego augeo. Necdum exsatiata rabie totum deinde Monasterium incendit, stabula æque ac Ecclesiæ incineres redigit. At Monachos illos triginta octo, quos ceperat, abduxit; ad extremos Ephesi fines relegavit, ubi eos in veteris batnei fornice conclusit, ac obstrœto deinde aditu, & monte vicino per caniculos subruto vivos sepelivit.*

p. 507.

Tum rogatus a Patribus Stephanus, ut ad mitigandum eorum mœrorem & ipse orationem haberet, in exemplum ipsius proposuit Petrum Blachernis in vincula conjectum, & præsente Imperatore tamdiu nervis bubulis cæsum, donec animam exhalaret. Item Joannis Abbatis Monasterii Monagriensis, quem Tyrannus facco inclusum, gravi saxo appenso in profundum mare projecisset, quod adduci non potuisset, ut imagines Iesu Christi & Matris ejus calcaret.

§. XLVII.